

Tema TRIDUO: “KORAJEN, hodi hateke oinsá Maria Mazzarello moris nia moris iha korajen”

1. Loron dahuluk 10 MAIU: KORAJEN ATU LA'O

Esperiénsia moras tifu nian: “Imi halo ho liberdade buat ne'ebé karidade husu”

Maibé loron susar nian too... iha tinan 1860, moras aat tifo nian mosu iha Vila Mornese. Ema mate barak... família sira subar-an (taka-an) metin iha uma laran, tan de'it tauk. Don Pestarino, hare situasaun difisil liu, no nia hatene katak Maria nia tio Orestes nia uma, ema hotu-hotu moras, nune'e don Pestarino ba hasoru Maria nia aman no inan, atu husi Maria nia tulun, bele ba tau matan ba família sira ne'ebé moras tifu. Maibé Maria nia mama reajem, no la fo Maria atu ba. Don Pestarino, la lakon esperansa, nia hatene didi'ak ninia parokianu sira, liuliu Maria. Padre husu tulun iha Maromak nia naran no iha karidade, ikus nian papa Giuseppe dehan:” ha'u rasik la fo Maria atu ba, maibé se nia rasik hakarak ba, ha'u sei la tahan nia atu ba. Padre mos sente tauk, sei karik Maria mos sei hetan moras tifo. Don Pestarino ko'alia ho Maria no ho nia aten-barani baibain nian, nia halai ba atu fo tulun nia família sira ne'ebé moras...

Iha loron 15 Agostu, Festa Assunsaun Na'i-Feto nian, Maria senti katak nia mos moras tifu, no hahú lakon nia forsa ne'ebé iha hanesan uluk servisu maka'as iha to'os. Iha moras tifo, Maria dehan oinsá furak bele mate nu'udar mártir Karidade nian.

- Nu'udar comunidade, husu Madre Mazzarello hanorin ita atu iha korajen atu ba hasoru, ba tulun ema ne'ebé presiza. Hili akzaun konkretu ida (liuhusi orasaun ka hahalok konkretu ruma...), atu bele moris iha loron dahuluk triduo ne'e.
- Intensaun orasaun loron nian ofere se ba Irmán ferik, no ema moras sira hotu.

2. Loron Daruak 11 Maiu : Korajen atu RONA

Bolun foun: A te le affido - : “Ha'u hanoin Na'i hakarak atu ita tau matan ba menina sira”.

Cronistoria haktuir:” loron ida Maria la'o liu husi laltek Borgoalto niaan, hanesan hare (iha vizaun ida) iha koléjiu oot ida ho labatik feto barak iha koléjiu ne'e. Maria para, no hateke ho hakfodak hodi dehan ba nian-an rasik. Saida mak ha'u hare ne'e? La eziste uma boot ne'e.

Saida mak akontese? No Maria sente no rona lia fuan ida ne'e: “A Te Le Affido”, Ha'u entrega sira ba ó!

A te le affido mak entrega ne'ebé Maria Domingas Mazzarello, nu'udar bolun ida, atu taumatanba foin-sa'e feto sira iha Mornese: ne'ebé kiak liu no sira ne'ebé mesak. Providensialmente, vizaun Borgoalto, sai uma dahuluk moris Institutu ho Filhas de Maria Auxiliadora dahuluk sira.

Nu'udar edukadora, ita labele husik bolun ida ne'e. Sira mós presiza simu ho fuan hanesan fuan ne'ebé tuku tuku iha Mornese, kondisaun atu empena ita nia an, sai *komunidade ne'ebé loke an*

ba bolun “foun ida”: *Hau entrega sira ba ó*. Foun, tanba paixaun edukativu ne'ebé ita hakarak atu hala'o iha comunidade sira hodi *jenera/hahoris moris foun*.

Komunidade nakloke ba bolun “foun' ida”.

Responsabilidade *Hau entrega sira ba ó*, husi Borgo Alto, iha Mornese, ita habelar iha mundu tomak, liu tasi no oeanu, to'o iha rai hirak ne'ebé la koñese, no tinan ba tinan, nu'udar providénsia "viajem karizmatika", to'o iha ita nia rai sira ho diversidade tebes, nu'udar bolun "foun" ida: *hau entrega ba ó* ki'ik sira ne'ebé la hetan akompañamentu, moris iha forma oin-oin violénsia nian; *hau entrega ba ó* foin-sa'e feto no mane ne'ebé la hetan sira nia dignidade nu'udar pesoa, tanba ema hanehan no halo a'at; *hau entrega ba ó* hirak ne'ebé hetan persegisaun hodi poder oin-oin; *hau entrega ba ó* ema ida-idak ne'ebé la'o daudaun atu hetan futuru ida seguru liu; *hau entrega ba ó* hirak ne'ebé ho aten brani no esperansa enfrenta difikuldades sira hodi to'o iha objetivu ne'ebé seidak hatene, atu asegura di'ak ba sira nia oan sira nia moris. Sei iha buat seluk tan, ne'ebé, imi hau nia Irmán doben sira, imi aumenta tanba forte ho esperiensa sira ne'ebé loron-loron nian dezafia imi no imi enfrenta ho korajen, maski ho duvida no difikuldade sira konprensivel (*Circolare 986*).

- Nu'udar comunidade, husu ba Madre Mazzarello atu TULUN ITA bele moris di'ak liutan " A te le affido", iha moris comunidade no mos iha ita nia misaun.
- Oferece orasaun ba ita nia misaun liu-liu ba labarik no foin-sa'e sira hotu.

3. Loron datoluk 12 Maiu: Korajen atu HELA

Esperiénsia Valponasca daruak nian – "Jezús. Ita mak ha'u-nia kbiit tomak no ho Ita naha-todan sira sai kmaan"

Mosu krítika husi «Nuove Orsoline», don Pestarino deside haruka Maria ba hela iha Valponasca, atu hadook-an husi situasaun. Hanesan hakerek iha Cronistoria « Maria bele rientra iha Mornese atu tuir de'it santa Missa no partesipa enkontru menina sira nian». Maria terus iha silensio, sai momentu osan-mean nian. Iha Valponasca iha nia alin mane nain rua: Domenico ho Giuseppe ne'ebé hela ho nia. Maria hetan fali nia« mundo kiik uluk nian» nakonu ho esperiensa furak sira. Buat hotu ne'ebé fo hanoin fila fali tempu dahuluk nia apaixonada ba Maromak.

Fila fali ba haree janela Valponasca nian, ne'ebé hateke ba loron-sa'e (occidente), nakloke ba knua ho ninia sinu: fo hanoin fali ba Prezensa ida Hadomi tebes, importante liu buat hotu. Iha loron tomak, Maria tur mesak. Nia suku no reza. Liu tiha fulan ida, don Pestarino husu Maria fila fali mai Mornese, no kontinua ninia apostoladu ho labarik, inan sira, iha laboratorio, ne'ebé hein hela Maria nia prezensa ne'ebé kria ambiente família nian. Maria hatene simu situasaun ne'e ho fuan nakloke. Hanesan uvas ne'ebé prontu ona atu fó fuan.

- Hili atitude ida ka rua, atu tulun comunidade horik nafatin iha Maromak nia hakarak.
- Oferece orasaun loron nian ba ita ida-idak nia Fidelidade, ba Inspetoria no ba Institutu ne'ebe' la'o ba hasoru CGXXIV nian.

Maiu 13 Buona Festa di Madre Mazzarello